

方山薛先生全集

方山先生文錄序

華州王槐野宮諭示余文一紙
薛武進之文也維楨不敏行將
成公試覽之其謂斯文何余拙
復之曰太上忘言其次有言其次多言言
非聖人之所貴也故曰予欲無言言則言
之精而道之顯也且曰文莫猶人躬行不
逮誠行矣安用文爲其垂諸文者非不逮
於行也沮於行而不得已也不然空言何

補哉三代以還大都文與道離行與言戾
而行道有得之文蓋亦有之我則未之多
見也乃今見武進之文始讀之言質事核
經遠思深淵然而光躍然而變其諸出入
於馬班韓歐諸大家者乎再三讀之究極
天人闡發性命渾而不淆析而不支其諸
體會於周程張朱諸大儒者乎果何以得
此哉余嘗守官留都與武進君並舍見其
孜孜問學身體力行唯時徐養齋黃泰泉

與余四三人日相游衍論議咸謂其銳志
古人不屑凡近而施之政教考課諸不負
其所學固已竊歎而景慕之矣迨余老商
山罕聞世故而武進董浙學政力挽士趨
籍籍於賢者之口猶及聞之乃今調改備
兵郵坊下車甫三月卽信孚化行而井伍
疾苦一朝除去流民逋卒相率來歸如嬰
兒之見慈母每一按節巡行百姓三軍頂
香嚙指遮迎道左邊關千里歡呼鼓舞膏

兩景星所至蒙福此又余之所躬逢快覩
喜談而樂道者其爲文也大矣是錄若盡
見諸施行可量也哉余觀武進君先後入
仕今且二十餘年動忤於時屢見播遷屹
立不變蓋其中自有卓然者在也故其文
皆根本於中行之枝葉真切懇至不祈文
而自工若此若應辦口耳飾辭比擬則文
人之文焉耳寧有是哉請以是復之宮諭
宮諭固長於文者其謂吾言何曰公之言

是也可以序斯錄矣

嘉靖乙卯秋九月既望三原馬理伯循甫

序

題方山文錄

曩余爲南國子司業與諸賢論學咸推薛子仲常余數延叅駁相悅以解旣仲常別去舉進士有官守再越歲見於豫章其所得踰南雍時矣又再越歲見於留曹其所得踰豫章時矣一時同志謂仲常任道擔

當斯文其有屬哉歲庚戌余守制家居卽
傳仲常董浙學政將謂一方得師吾道之
昌明有期矣今年春乃竟從調例行止真
非人所能哉先壬子冬仲常屬其門人南
城許進士洛攜文示余評隲請題其端至
是以書唁之復申前請余因憶王玉溪嘗
謂呂涇野曰李獻吉真奇才也一爲歌行
近體卽如李杜一爲古詩樂府卽如曹劉
阮謝一爲賦記序書卽如屈宋賈馬其殆

可傳也已涇野曰惜哉向使其一爲定性
訂頑卽如程張一爲大學中庸卽如曾思
不尤愈乎仲常固習聞涇野之說者也今
觀所錄文觸機感事舒悵發情皆訓辭格
論未嘗有意於文而巽法抑揚動中矩矧
殆闡定性訂頑之精蘊而優入學庸之堂
室反諸身心可驗質諸古今可稽而措諸
天下可行蓋非空言無物徒以鬪竒爭勝
娛心志而悅耳目也如是爲文文在茲矣

乃知仲常之道固將垂之久遠而未可以
方所限也尚得與文人例論哉仲常當自
慰而益懋矣

嘉靖癸丑秋九月旣望泰和南野歐陽德
崇一甫書于西內之直廬

方山先生文錄序

武進有君子曰方山薛仲常氏自爲諸生
時從無錫邵文莊公游其勵志卽尚友千
古不與世狎旣而業成均其司成泰和歐

陽文莊公陽明王先生高第弟子也以方
山子爲良亟嘉與之方山子沉毅暢達績
學好問務求其至聞陝之涇野呂先生篤
信好古從而請益以故造詣日進聞譽日
茂遂魁南宮出爲邑令恬靜惠愛與郡殊
趨乃䟽改學官風動江右久之爲郎歷試
考功考留都官自信益篤弗阿其友衆始
不悅左斥之爲郡佐言官建白復南宮郎
擢浙之按察副使督治學政力以其學抗

流俗流俗譁而攻之卒賜代久之廼兵備
鄜延鄜延地近邊士人莫當方山子意者
獨與谿田馬先生及余言其行役往來必
過其廬聽其持論侃侃忘疲及讀其所錄
文與其言可校覆也余乃爲作序曰君子
之有爲其與流俗果不可強同哉夫遠謀
之於邇言伸道之於徇情利己之於便人
守正之於比邪直節之於枉曲剛明之於
柔佞誠朴之於矯僞其是非黑白若畫也

奚其同好惡異而毀譽生取舍殊而予奪
判使天下之政皆由是出治亂之機於斯
決焉吁可畏哉君子之不能勝流俗固矣
彼流俗之言有所作爲者也其身不存則
其所作爲者盡去而君子之道彌光故君
子之勝流俗也逮其身則人得以享其利
而被其德不幸而爲流俗所蔽久而其道
昭明功業不逮其身丁謂之曰異日諸生
記事不過曰天下惜之而不已於是乎尚

其文此君子之文之所昉與始也流俗忌
之而終也天下惜之是非積誠不能也易
曰修辭立其誠所以居業也此其所以朝
夕乾乾於兢惕危厲之世與舉世譽之而
不加勸舉世非之而不加沮斯亦不足言
矣富貴貧賤死生之運其暑寒晝夜之變
耳彼流俗何與於我哉雖然不以君子治
流俗而以流俗病君子是必有司之者焉
而果非我之所當與也以是而修辭則幾

矣方山子明體適用守貞達順功業垂成
輒沮不逮其身而學者獨錄其文以行於
世其必天下後世有惜之者而余之言斯
信也試質之谿田先生其以爲何如哉

嘉靖乙卯臘日平涼趙時春景仁甫撰

方山先生隨寓錄序

方山先生薛君仲常既有文錄行于世矣
厥後視師關中避寇白下旋歸江左在處
有作門人弟子輒以次校刻故曰隨寓錄

云吾鄉盧比部傳示海濱屬余爲序先是
方山文錄馬谿田歐陽南野趙浚谷則旣
序之詳矣余復何言憶壬寅癸卯間余掌
南翰方山主南考部率皆閒局恒相攜出
郊外覽金陵諸勝每遇豐草長林則竟日
憇而劇論一及古今文人方山輒頻蹙而
言曰昔人謂文到相如殆類俳優詩如李
白亦酒徒耳何足論哉余謂公之文日富
矣乃亦出此言乎則應余曰吾非能爲文

也顧以吾性簡拙多忤於人其有以文問者若復辭之其謂我何故直據事與理答之間有幽懷隱衷時亦自洩不覺盈紙非爲文也余數取而讀之見其評隲倫類闡發幽微直寫胸中明白坦易一如化工玄造隨物賦形雖古之名能文者恐亦有不逮也豈所養深厚觸之斯應淵泉瀚海出之有本測之無際有固然與余方屬意將必翊贊勲華光昭鉅典無何以直道不阿

遂罹竄謫言官建白僅得量移歲丁未讀
禮家居余嘗一造其廬黯然相別距今十
有三年先生竟阨於時而傳頌景行者則
薄於海外矣至德之光有道之言豈能終
抑乎哉余因序斯錄而重爲世道感也
嘉靖己未仲春旣望泰泉山人黃佐才伯

甫撰

題薛子詩稿

詩弗易作亦弗易言易之者妄也詩弗難

作亦弗難言難之者固也妄與固而詩之
教學廢矣昔友人李獻吉何仲默皆以詩
自命人亦以詩名之至情性理道何若差
解於李然謂其有得於教與學焉總未之
逮也旣余退居洹上杜門謝事海內才賢
時復夢寐諸生有持薛子仲常文過者余
見其會道經世上下古今因詢歷履剛方
慷慨不與流俗偃仰卓然名世之士恨未
之覲覲乃茲各居留散局多閒暇時得往

復議論益知其學究本原而雅志向往不
屑於文章詞賦之末及示茲稿輒又闡發
情理融會風雅迨蘇李曹劉以下及唐諸
家靡不通貫勿妄勿固幾於教學有士如
此不足慰哉於乎行人采樂太史陳詩古
昔盛時凡以述志觀風非尚言也薛子之
志大矣其益進以爲世風者豈專在茲乎
特書首簡以復

嘉靖庚子夏四月望相臺崔銑

方山先生摘論題辭

吾師方山先生薛公多所著述佐佑六經
刪訂諸史品裁九流百氏而方輿郡邑志
乘靡不各有論議匪以炫博務奇而矜於
文學之門也寔其稟賦特異夙以聖賢事
業自期待故其體用之學經緯上下貫徹
古今隨在輒發皆切於人心時事民生物
理而不爲無益之空言也程蚤歲受知於
先生之門卽知讀先生之書未嘗一日棄

去既涉仕途未免行役而卷帙浩繁不能
悉攜以從故摘其所嘗論者別錄之庶山
輿水舫可便觀覽先生平生篤於體道經
世而文章非其所好但英華自發美愛則
傳自有不可掩者此固其一斑云爾

賜進士文林郎湖廣道監察御史門人慈
谿向程書

方山薛先生外錄序

方山先生薛公既去延慶延慶之門人弟

子錄先生歷官公移凡七卷傳示邊徼以
先生嘗有文錄行于世矣此則爲外錄云
高陵蕭進士謂余知先生乃屬序之余惟
古昔傳記中人物仕而獲行其志者僅僅
可數其俛仰顧望以至通顯而終其身焉
不克一行其志者蓋屢屢也是豈其志弗
若哉凡以富貴聲華陳于前而得失利害
橫于中轉輾較計以圖遷就此固其理不
勝欲夫亦其時與勢有不得不然者也乃

今方山先生以豪傑之才從事聖賢之學而直以斯道爲己任處惟其明出惟其行而不肯少貶以徇人自筮仕以至于今已逾二紀而立朝不滿旬月謗忌朋與偃蹇遷謫而隨在務行己志故其歷任公移光明俊偉皆經綸要畧康濟機宜凡被治教咸受殊澤要非空言無實者比也昔人謂賈誼雖不至公卿而所言亦畧施行未爲不遇今先生歷仕諸處余聞而未見但其

去延慶之日余送之郊見軍民父老號呼
攀援絀屬于道車不能前余爲之徘徊慨
嘆宿先生于道旁里舍此豈聲音笑貌之
所能致哉先是巡撫王公謂先生程朱再
出韓范復來疏薦于朝君子以爲公言
忌者乃附和儉人報復造爲萋菲以沮先
生之行謂非吾人之命邪然則先生雖未
究其平生亦不可謂不行其志矣其視終
身通顯而竟賫其志者所得爲孰多乎雖

然范希文有言曰爲之自我者當如是其
成與敗不計也先生固以希文自期待者
志之行與不行又奚足論哉覽是錄者以
是推之斯得先生之深矣嘉靖丙辰春二
月朔前進士尚書司寇郎鄜南劉仕謹序

方山薛先生全集目錄

卷一

殿試策

卷二

疏表

乞恩改除教職疏 乞恩改除教職第二疏

代費鐘石薦唐漁石疏稿

乞休致疏 代南九卿賀擒夷酋疏

代本堂宋公謝改兵部尚書疏

乞休致疏 疏稿

擬文華殿新造九五齋恭默室成廷臣賀表
擬追謚誠意伯劉基爲文成侯嗣孫謝表

卷三

雜著

原祖圖說

致良知說

惕齋說

貞壽說

永慕堂說

三難軒說

右亭說

贈馮午山提學

答李工部

答趙生

答潘生

贈涂生

贈方生

書皇華忠愛冊後

誥勅題辭

跋君山詩刻

題陸義姑姊集

閱使朝鮮集

王仲山像贊

陳志槐行樂圖贊

書國風鄭衛篇後

書易傳後

書洪範天錫禹洪範九疇章後

校刻程文引

玉堂餘興引

宋元通鑑義例

浙江通志義例

卷四

雜著

跋張文忠公奏疏 程生仲齊字說

敏齋箴 書重刻青瑣贈言錄後

書僧惠聲卷 潛語題辭

牛相乳記 答華師魯問

因併問記 書兩節婦傳後

贈董孝甫歸永豐 講君子食無求飽一章

題東白草堂集 甲子會紀引

甲子會紀附錄引 書考亭淵源目錄後

宋方文語引 題蓬壺清曉冊

鄒蘭齋萬書草堂贊

卷五

書

與涇野先生

答沈御史

答王嘉江

答錢給事

答鐘石先生

答葉教諭

與周子垂

與徐波石

與吳峻伯

與王樗菴

與羅念菴

答任五岳

與徐少初

答艾冷溪

與薛西原

與章介菴

與崔后渠公

答蘇舜澤提學

與張太守

與張龍湖先生

答黃泰泉

與唐荆川

與唐漁石公

答陳澄江

與徐養齋公

與袁懋中

與馬西玄

答胡栢泉

答華補菴

與鐘石先生

答林鎮江

答茅丹徒

答劉慈谿

答劉西川兵部

奉熊北原太宰

復石塘聞公

答林鎮江

與劉懷耕

與馬谿田

與巡撫公

與張西磐太宰

與孔文谷提學

與章介菴先生

奉北原公

與養齋公

與水南學士

與鐘石龍湖泰泉少湖諸公

卷六

書

寄少宰龍湖座主

答鄒文徵

答蔣虹泉戶部

答胡象岡提學

答汝士廉

答熊元直檢討

答郭文麓郡守

答費二湖學諭

答丘朝弘學諭

寄黃泰泉

答朱鎮山提學

與李羅村兵憲

上少湖相公

與尹洞山宮允

復李石鹿太史

復趙方厓廷尉

答駱兩溪太史

答陳玉泉僉憲

答王敬所提學

復陸東湖

答鍾吳江

與王槐野翰讀

答石玉溪都憲

答孫明軒憲副

答李同野憲副

答趙方泉提學

答張水南公

答劉白石憲副

與周江郎

與楊會江

答馬谿田

與孔文谷

答史沱村都憲

答吳寓菴

答曾汝道

答王槐野宮翰

附王槐野

又

卷七

書

復靳兩城提學

附兩城書

復徐華原提學

寄任五岳

與王槐野宮諭

復馬谿田

與詹龍渚御史

寄任五岳

與王槐野

寄槐野

附槐野答書

附尹洞山學士

寄趙浚谷

復馬光祿

寄鄭少潭提學

答萬履菴

答李汝正

寄許德卿戶部

答張水南

答畢松坡提學

復總制梅林胡公

答鄭伯原

答大宗伯孫季泉 附孫季泉書

卷八

書

答金陵諸友 復許石城

答胡栢泉憲使 答姚繼文內翰

答項錦衣 答胡栢泉

寄孔文谷 謝鄒蘭谷

與萬履菴 與包龍塘

寄徐閣老 復鄒蘭谷

與王南岷 答貴溪江應熊

附江應熊書

答熊龍江

寄胡象岡

答魏豐村

答謝省菴

答鄭湘溪

與向宗洛

與鄒蘭谷

寄王龍池

寄湯交川兵憲

答鄒蘭谷

答曹貞菴

卷九

書

與戴愚齋編修

寄李石鹿閣老

答蔡溟陽

寄趙大洲閣老

答張龍山

寄陶雲谷

寄陳雨泉

答唐玄卿

寄顏冲宇

與施龍岡太守

答顏冲宇

與任雲門御史

答沈蛟門檢討

與周無錫念庭

與馮緯川方伯

答秦虹洲

答秦次山

答張滄東中丞

答歐陽乾江工部

答陳雲浦

寄趙嶧山

寄孔文谷

寄寇惕齋

寄平陽守劉驪峰

與蕭靜菴禮部

寄閻月川

答顧懷東

答王西華副憲

答向明臺御史

答劉驪峰憲副

答施龍岡太守

再答施太守

卷十

序

司馬文正公集畧序

韻要序

代禮記正蒙序

福建鄉試錄序

六朝詩序

刻中唐詩集序

泰泉詩集序

三槐餘慶圖詩序

未思集序

沙洲草堂圖詩序

尚湖留稿序

五岳集序

豫章文會錄序

救民急務錄序

治生錄序

濬河錄序

軍政事例序

浙江鄉試錄序

刻童蒙須知序

浙江壬子同年錄序

朱子晚年定論序

詩說自序

太平家世錄序

水西奏稿序

使朝鮮集序

懷慰編序

郭溪窓稿序

卷十一

序

龍湖先生文集序

孫子說序

陝西鄉試錄序

六祖壇經序

胡氏家乘序

霞洲文集序

留省贈言序

留省稿序

著存錄序

明山存集序

四書人物考序

刻蘇老泉文集序

孝行錄序

忠佑錄序

胡氏集序

皇明琬琰錄序

浙江通志序

卷十二

序

王紹齋文稿序

魏聖王氏族譜序

樞筦集序

東圩家藏集序

宋元通鑑序

俞氏學詩序

重編考亭淵源錄序

高士傳序

靜觀樓遺稿序

許隱君詩序

陝西鄉試錄後序

卷十三

序

向氏家乘序

皇明百家詩序

貞節錄序

南豐曾氏族譜序

遵巖文粹序

常武錄序

詩經文稿序

四書三妙集序

毘陵雅義序

進菴文集序

尚友堂新稿序

憲章錄序

卷十四

序

送陳思南序

代送張龍湖先生校士北還序

代送李尚書序
代送費鐘石先生序

代送戴巡撫序
代送張襄陽序

代送錢尚書序
贈葉教諭序

贈王縣丞序
代贈徐生序

送謝廉使序
送陳兵憲序

送管參政序

卷十五

序

送馬西玄序

送周興化序

送王汝中序

送喬戶部序

送李叅軍序

送陸思南序

送胡肇慶序

送蘇紹興序

別西磐張公序

送姜約父序

送劉學正序

送郭副使序

送傅副使序

送李布政序

送丁兵憲序

送唐布政序

卷十六

序

贈謝叅政序

送謝陽溪序

送余經衛序

賀陳兵憲序

賀胡梅林序

送冠縣丞序

贈蔡新河序

送張學正序

賀朱太守序

送王叅政序

送周衛陽序

贈湯兵憲序

傅母劉太孺人旌節序

卷十七

序

送傅仁泉序

贈孫郡判序

送鄧兵憲序

賀楊理問致仕序

卷十八

序

吳封君壽序

何封君壽序

楊處士壽序

程處士壽序

余翁壽序

順軒高君壽序

隆慮山人李翁壽序

胡母張太孺人壽序

錢母馮太孺人壽序

王母曾太孺人壽序

向母湯孺人壽序
海日靈椿圖序

二山萬椿圖序

卷十九

序

陶高州壽序

鄒母華太孺人壽序

佘石泉壽序

謝後陵壽序

陳志槐壽序

徐士章母壽序

毛母壽序

萬處士壽序

劉母壽序

向母陸太孺人壽序

卷二十

序

顧懷東壽序

蔡司訓壽序

尹封君壽序

卷二十一

記

友士軒記

觀易臺記

祠堂壁記

大觀草堂記

代京畿道題名記

常州府理刑廳題名記

蓮塘書屋記

晉齋記

南窓記

擒虎記

卷二十二

記

建昌縣學門記

石埭縣新遷儒學記

常州府重修儒學記

平陽縣重修廟學記

舒城縣儒學尊經閣記

重修三學射圃記 鎮江丹徒二學義田記

南京提學察院題名記

寧波正學祠記 二忠祠記

梓溪劉氏義學記

卷二十三

記

游紅石硤記

陝西乙卯科舉人題名記

壽春堂記

介石書院崇祀記

海鹽錢氏義田記

常州府重修儒學記

永嘉王氏宗祠記

龍城書院記

卷二十四

傳

舒修撰傳

涇野先生傳

陳恭愍公傳

胡端敏公傳

費文通公傳

于肅愍公傳

卷二十五

傳

楊忠愍公傳

卷二十六

傳

蒼谷先生傳

屏山聳叟傳

方母傳

傅母劉節婦傳

郭節婦傳

謝室徐孺人傳

劉孺人傳

卷二十七

碑

浦江宋先生祠堂碑

方遜志先生祠堂碑

重建始祖宋觀文殿大學士和國公祠堂碑

嵩山寺重建楊氏先祠碑

卷二十八

墓表

靜菴蕭先生墓表 胡松陽墓表

廣東按察使趙公墓表

趙溪翁墓表 余徵仕墓表

華室鄒氏墓表 華余溪墓表

劉處士暨配張孺人合墓墓表

薛畏齋墓表

蕭悼子暨配節婦季王墓表

卷二十九

墓誌銘 墓碣銘

鄒山人墓誌銘

陸東卿墓誌銘

陶子沾墓誌銘

邵雲山墓誌銘

強處士墓誌銘

楊介石墓誌銘

陳石村墓誌銘

鍾廓菴墓誌銘

沈夷齋副憲暨配顧孺人墓誌銘

徐雪井墓碣銘

卷三十

墓誌銘

劉懷耕墓誌銘

蕭母董節婦墓誌銘

邵左江墓誌銘

吳鎮之墓誌銘

王母蒯氏墓誌銘

鄒文徵墓誌銘

王武陟墓誌銘

太學生賀汝進墓誌銘

卷三十一

墓誌銘

韋處士墓誌銘

秦室楊孺人墓誌銘

吳胥嚴墓誌銘

亡室馮氏墓誌銘

華宜人鄒氏墓誌銘

吳室朱氏墓誌銘

徐味道墓誌銘

思蘭薛翁墓誌銘 強子南墓誌銘

唐母表太孺人墓誌銘

卷三十二

墓誌銘

翁尚書墓誌銘 代徐少湖作

谿田馬公墓誌銘 邵明甫墓誌銘

周子垂墓誌銘 徐母潘孺人墓誌銘

卷三十三

墓誌銘

龔處士墓誌銘 蔡簡齋墓誌銘

李荊州墓誌銘

胡母莊孺人墓誌銘

卷三十四

論

養心

會道

審異

尚實

原經

折衷

息遊

達常

識勢

任人

卷三十五

論

高帝

文帝

武帝

宣帝

季札

石奢

張良

賈誼

疏廣疏受

王通

韓愈

蘇軾

王安石

卷三十六

論

儀封人請見

三代直道而行

伯夷叔齊何人

學而優則仕

聖人人倫之至

正己格物

思者聖功之本

聖人能立于無過之地

學以人事爲大

孔子惜繁縷

臣子執威權未嘗無禍

聖人至公至神之化

經綸天下之大經

卷三十七

論

正名

守險

勅法

作氣

虛心

論功

固本

去奸

卷三十八

甲子會紀總論

黃帝至三代論

秦漢至宋元論

卷三十九

四書人物考摘論

卷四十

宋元通鑑摘論

卷四十一

高士傳摘論

卷四十二

浙江通志摘論

卷四十三

策問

兩浙歲考

家塾私試

浙江壬子武舉

福建丁酉鄉試

陝西乙卯鄉試

卷四十四

程策

福建鄉試策五道 陝西鄉試策五道

卷四十五

祭文

祭九江文 祭小孤山文

南京吏部考察告神文

祭楊子江文 祭土地文

告常州府城隍文

楊慈湖先生入正學書院告文

謁濂溪先生祠告文

謁宋岳武穆王祠告文

謁旌忠祠告文
二忠祠落成告文

祭孫忠烈墓文

更定陽明先生祠額告文

祭蔡鶴江先生文
祭張龍湖先生文

代九卿祭張龍湖閣老文

祭熊太夫人文
祭顧錫巖先生文

祭徐養齋文
祭漁石唐公文

祭韓修撰文
祭曹封君文

代本堂聞公祭梁儉菴尚書文

代祭楊邃菴閣老文

代南九卿祭誠意伯劉瑜文

祭華都事文

焚黃告先母史安人文

吊太學生莊效才文

吊馮貢士文

祭張通判文

吊王主簿文

祭邵明甫文

祭周子垂文

卷四十六

祭文

祭涇野呂先生文

祭王槐野文

告太華山神文

祭谿田馬公文

祭徐太安人文

祭張省祭文

祭唐荆川文

吊查近川文

林巡撫哀辭

追薦先母史安人文

祭薛畏齋文

家廟落成告文

卷四十七

公移一
浙江學政

行各屬教條

卷四十八

公移二
浙江學政

出巡事宜

卷四十九

公移三
浙江學政

行各府作興社學牌

行各府正文體牌

行各府申明職掌牌

行各府民間俊秀納監牌

行各府禁革生員詞訟牌

方集卷之五
行各府起貢牌

行杭嘉湖台四府諭新進生員牌

行金華府黜退生員何子良牌

行紹興府提問教諭伍鎰牌

行台州府提問知縣尹尚孔牌

行紹興府更定祠額牌

行台州府查死事官員牌

行各府查學田牌

議金華府宋景濂先生立祠呈

議紹興府學教授梁以蘅侍養呈

議寧波府舒文靖公等立祠呈

議遂昌縣訓導張秉齡病故申

議龍泉縣訓導表懋病故申

議台州府賀時雍告衣巾奉祀詞

議金華府民盧子通告祖都御史盧睿入鄉

賢祠詞

議紹興府訓導翁文入鄉賢祠呈

覆巡按考教官牌

覆巡按批鄭朝昌告衣巾詞

覆巡按批烈女張氏呈

覆繳巡按轉行勘合

議金華府建祠崇祀革除諸臣呈

議覆會考告考生儒關

批紹興府蕭靜菴先生入鄉賢祠呈

批紹興府汪提學入鄉賢祠呈

批金華府章尚書唐同知入鄉賢祠呈

批平陽縣改建儒學申

批慶元縣修建儒學官舍申

批紹興府學教授梁以蘅侍養申

批錢塘縣生員馬千里承重申

批桐鄉縣生員馬雷起復申

批紹興府學生員秦倪等詞

批安吉州學生員趙鎡等修學詞

批諸暨縣生員鄭選等承重申

批開化縣學田申 批餘杭縣學田申

批嘉善縣學田申 批金華府育女申

批嶧縣生員王良翰起貢申

批海寧衛生員劉學顏優免糧長申

批寧波府緣事生員張南山起復呈

批衢州府黜退生員姜尚寶呈

批杭州府緣事生員華識呈

批衢州府問軍生員張廷秋呈

批處州府呈任元芳等招

批湖州府邵康山入鄉賢祠呈

批紹興府呈劉檀等招

批紹興府呈馮恕九十八等招

批宣平縣修射圃呈

批青田縣知縣鄭鏊申

批寧波府楊知府入名宦祠呈

批鄞縣申

批杭州府修理文廟呈

批嘉善縣減免朱鵠等學租申

批處州府呈杜九經等招

批慈谿縣王都御史孫府尹入鄉賢祠申

批慈谿縣陳文定公立祠申

批杭州府海寧縣議建二顏祠呈

批溫州府呈陳繼野等招

批瑞安縣揭帖
批台州府呈張銓等招

批上虞縣生員錢仁喪制申

卷五十

公移四
延綏兵政

行延安府慎刑獄案

行各屬招撫流賊告示

行按屬禁革姦民告示

行各屬預處腹裏地方告示

行延安府審編均徭案

行延安府清查刑獄案

行按屬安民告示 行延安府賑濟牌

議旱災呈

議撫按送發延安府地方災傷呈

議久缺俸廩懇乞急救以全生命呈

復撫按送發延安府急請兵馬設處火器議

行延安府預處防秋兵馬糧餉案
給發招撫流民執照

復撫按賑饑征糧議

復總制巡撫二院游兵錢糧議

批延安府急請兵馬設處火器呈

參巡捕指揮徐銳呈

參虜人入境殺傷官軍呈

批宜君縣強賊入境申

批中部縣竊盜拒捕傷人申

批中部縣犯人韋鷲申

批延安府預處糧草以防虜患呈

批延安府乞將馬景隆等告詞分發各衙門
查究

批延安府呈犯人薛遇遲

批延安府偷盜軍器呈

批延安府給由吏姜時會申

復延綏西路議建邊方學校關

行各屬防秋告示

行延安府查理發過防秋糧銀牌

行推官胡溥恤災緩徵牌

行各府賑濟饑荒酌處城堡案

行延安府郝同知清查倉糧案

行延安府郝同知查理月夫案

行延安府郝同知審編均徭案

行郝同知查賑地方災傷案

行鄜州查洛川縣預處兵糧事牌

行延安府查代判文案押字牌

批鄜州查見監庫役王宗禮申

批慶陽府解審犯人楊應之等呈

行延安府并游兵營案

呈總制三邊右都御史賈

卷五十一

公移五
南吏部北禮部

行五城兵馬司牌 咨吏部案呈

行四川湖廣廣東廣西江西福建各巡按衙

門手本

示諭給由吏

諭投文領文各項人員告示

諭 皇城等門官軍告示

行光祿寺手本 行太醫院手本

卷五十二

公移六
慈谿縣行

申寢無故更作

申革縣官入山做茶

申查預備際留等倉糧以清宿弊

申改浮圖以崇正學

申革冗費

計二通

尚論先賢以嚴祀典

申禁軍衛擅自徵運民產錢糧

裁革甲首夫役

稽查紙價贓罰

申請委官署印

繳正學書院批申

卷五十三

公移七
慈谿縣行

曉諭齊民

勸諭僚屬

勸諭學校

卷五十四

賦

石秀亭賦有序

牡丹賦代管副憲作

卷五十五

詩

四言古

七子詠

短歌行

獨飲

偶書

毘陵十六詠

六言古

德慶山房春暮四首

玉蘭花風雨大作二
偶作二首

人言

長日

牡丹

觀笋

留客

五言排律

同諸友登上方山 煌煌京洛行

朝罷出東角門恭遇 駕幸文華退而感賦

同董海鹽林秀水游靈隱寺

送徐少湖宮洗

七言排律

次韻送吳筠泉掌南翰

閒中偶成

卷五十六

詩

長短句

臨高臺

君馬黃

哀王孫

北固山

太虛草堂歌

夢覺歌

詞調

尉氏公館次元人水調歌頭

附元人兀顏思忠招隱詞

卷五十七

詩

五言古

雜詩二首

選貢北上途中雜詠二十四首

邯鄲才人嫁爲麻養卒婦

關山月

贈別歐陽曰大

送胡刑部致仕

前川四景

黑馬篇

擬古十九首

上之回

芳樹

巫山高

折楊柳

相逢行

雜體詩二十首

別諸同考

飲馬長城窟行

送尹汝光戶部

送高生美丞還南豐

贈汪生叔明

有美者誰子

感遇十首

卷五十八

詩

五言古

昭君怨

門有車馬客行

書舜村卷

贈朱子价

石佛閘阻風

宿招慶寺程仁和后岡龔錢塘時際尤郡博

廻溪秉燭攜尊招飲湖上

答鄭生伯源

登樓見麻姑山雙瀑

夏至

對桂樹

喜雨

雨後池蓮盛開

次韻答馬谿田

獨坐

送張司訓歸臨海

送馮給事謫潛山

題雲溪卷

題彈琴圖

次王行人雪中見寄韻

新春同劉白石憲副游雲居菴次韻二首

九江府官謂余所寓小學逼於兵備公署促

改別館

題畫次陳鳴野韻 送徐生渭

詠老少年

卷五十九

詩

七言古

題桃源圖

贈沈生

德慶山房與諸生夜坐

與周子垂華近卿同寓偶爾感賦

六龍歌贈華生坊 題秋霞道人

江南行贈華從龍北上

聖人出

贈別孫培之

寄泰和曾子龍

詠懷呈座主任五岳

鄭廣文行送沈丘鄭教諭

秋夜讀秦漢文 七夕歌

君子有所思行 隴頭水

戰城南 雉子斑

長安有狹邪行

童太史避雨玄寧寓所自言日昃未食欲得
麵飯因索題詠率爾作歌

贈吳陽谷 黃河行

錢生行 渡曹娥江

登會稽山悵然懷古

題蟠桃圖壽秦中丞母

滄峽行

對雪東陳郡推

西蜀歌題戴侍御卷

贈別李少虛

蟠桃圖爲齊訓導題

題夏中丞松泉卷

桑子木謫戍潯陽適余將東歸賦此貽之

湘江歌送陳給事之湖南參議

周子垂母八十賦此貽之

雲亭歌

秦淮歌送張大名

點蒼山行爲趙雪屏尚寶賦

賦得玉門關行送少司馬鐘石先生北上
題五老圖壽汪尹 獨樹行贈醴陵徐生

卷六十

詩

七言古

二石篇贈石雲鄴生石洞潘生二生皆嶺南人春試下第過留都賦此爲別

憶昔行送陳玉泉北上

雲夢篇贈周生還楚

仲山職方奉使江漢別余於鍾陵草堂值水南學士載酒相過遂留共飲仲山出所作雙鴈辭見示水南即席限余用韻爲贈

送蔡子木刑部考績北上

驄馬行送張秋渠侍御北上

題北泉卷

黃泰泉以虎頭枕見贈戲書答謝

泊錢塘孔文谷偕趙艮山譚少嶠王虛齋何

鳳岡追餞驛亭鳳岡偶以疾不果至席上

賦別

盧冠嚴司寇觴客於鳳凰臺時值春莫同許

石城何柘湖以杯中字分韻得雪字

結客少年場行

塞上曲二首

宮詞四首

慈谿父老追送姚江書此諭還

濠上曲二首

石南豪士歌

憶昔行壽王仲山

題椿鶴圖壽楊三徑

卷六十一

詩

五言律

儀部給文送南太學有感

新秋

包元達招過興隆寺叙

語

旅夜

王汝玉宅夜飲來子禹索書扇漫贈

別徐汝佩

如存卷爲吳子誠賦

陸辭

過天津吳戶部遣人護送書此附謝

淮河夜泊

出郊感事答劉西川二首

答鄭嘉興二首

昭慶寺值生日

圓通寺二首

東林寺二首

飲戴指揮宅

宿九仙山

別李建陽

出分水關

復居小學尹汝光戶部戲贈因次韻答之

白鹿洞與諸生夜坐

自白鹿至開先蔣郡推趙工部各攜酒過訪

欽靖節書院有感

靈隱菴

西林寺

同王道思少叅夜過天池

同張副憲夜飲王行人宅

張憲副出所作詩見示題曰楚吟漫往答之

弔洪司訓

試院夜坐

送林訓導歸廣南

登觀易臺贈黃生

將發豫章桂洲相公以應制集寄示賦謝

宿趙家園

鄔子驛曉發

薊溪道中

弋陽書事

夜泊鉛山港口

將發上饒聞遷南考功

之報寄諸生

常山道中

蘭溪留別趙伯京

過釣臺

浙江驛下作

送左教諭

十月朔謁孝陵

袁通判赴臨江其弟永之索詩爲贈

病起值春雨不止夜坐感懷

題湯錄事楚東卷 觀紅梅

贈劉太學注選歸南阜劉前光祿卿教齋之

子

題趙叅政序芳亭冊

弔曾將軍

九月十日諸寮招飲于徐公子東園二首

雨雪

雪中養齋宗伯水南光祿二公攜觴枉過

同周生子垂胡生子見宿惠山月西禪院二

首

茅鹿門過訪

朱射陂將赴烏程過訪因出示近作

卷六十二

詩

五言律

留別鄭九疑二首 贈姑蘇郡博向景臯

衢州道中夜行 宿上清宮

送葉訓導致仕 夜雨

立夏

史沱村考功書至因及南垣諸公薦疏

得李羅村劉蘇崖書有感

廖東溪將赴南署遣使惠問答謝

幽居

送朱鎮山提學閩中

送張儀制之南光祿少卿

龍津少叅省吾職方枉過草堂次韻答謝

次曾仲野爲園韻二首

次韻答許石城四首 宿郡城寓舍

康礪峯宗伯顧玄津寓舍以新刻并酒脯見

惠奉謝

秋暮詠懷四首

泊李陽河驛

署齋夜坐寄唐應德

贈曹秀才

贈陳廣州

雨中過吳寓巷因訪陸幼靈

久雨

贈蕭蕭山因柬張生

吳祠部因卜郊牛便道還浙作此贈之

陸東卿還自嶺南道出廣信有書見寄悵然

作此

贈趙龍山

與謝省菴同游惠山赴王二尹席

獨步

華由仲宅賞牡丹

送胡蓮渠

夜坐

秋日閒居

衛教諭遷教授不赴乞

致仕歸

送唐立齋宰宜春

九峰光祿園林次韻

送郡學王桂山司訓陟本省榆次教諭

卷六十三

詩

七言律

夜入郡城

同胡雨之伯仲登高山寺

寓燕臺將歸悵然有懷

飲張翰林水南宅留別 過彭城

潞河舟中同陶子沾讀白沙詩

經露筋烈女祠 渡江二首

宴蕭將軍宅贈別泰和曾子龍次鍾石翁韻

贈蕭指揮

雞鳴山僧舍

周生子垂下第將歸夜坐言別

送陸原仲下第南歸

登鏡光閣

殿試

雨中柬水南翰讀病起

曉起

水南送桃李至玄寧寓舍適飲五岳宅即席

答謝

過天津教副憲遣使護送附謝二首

馮給事謫潛山並舟南下有詩索和因次韻

答之

夜泊東昌訪包郡推元達值往高唐不遇

秋懷八首

西湖舟中

將赴江州經望華亭悵然有作

李陽河發舟中流颶風大作深夜始抵長楓

夾感而賦此

題秦侍御卷秦巡江值逆濠傷殘之後

校文閩中次延平公館

鹿鳴燕上作

九日李御史招飲北園偕高御史陳脩撰林

檢討林郎中

曹仲禮江于順陳良會劉以中招飲平遠臺
寓九仙山陳脩撰李御史攜酒乘月過訪適
豐學士訃遂徹 謁考亭書院

謁鷺湖四賢祠

清明日過桃花嶺候童子午炊

贈別陶克允李少虛二子

登海天樓次尹戶部韻

東林寺感懷 潯陽江上送李仁夫御史

開先寺二首 東林寺二首

天池寺 得唐應德書悵然有作

題仙人圖

立春次王遵巖見寄韻

元夕自述

馮子仁謫戍雷陽服役過南昌往返皆值于

旅館賦此贈別

病寓江西試院承藩臬諸公枉過賦此奉謝

病起書懷

立秋日作

章江候巡按御史大風忽作感而賦此

豫章江上送羅達夫贊善北上

夜渡脩水

德安道中遇陳時偕暫憇民家匆匆別去悵

然賦此

贈別紀夢得太學

獨坐

初夏燕徐將軍西園題

扇

山中訪友

徐將軍宅與諸寮燕罷作

艾子文同年過訪秦淮寓舍因索蘇板書籍
留飲輒辭酒賦此貽之

送同年洗刑部告病歸嶺南二首

送費民達歸鉛山 陳羽伯守制鄉居兩訪

城中居第不遇忽爾改歲作此貽之

同吳定甫陳羽伯游天界寺

張宮諭出使宗藩便道歸省寄此以將久別
之懷

曉過神樂觀同省中諸寮燕集

贈孫生武舉補官

送戴府尹遷都御史入蜀採木

諸同年會燕陳懋貞戶部于東園賦此贈別

送陳驗封赴廣東叅議

送黃以約同年北上兼東汝行太史

長至齋居次座主陽峰先生韻二首

省中元會次陽峰先生韻

歲首喜晴次陽峰韻

題王克齋句曲山房圖

贈夏松泉平海寇受賞二首

題鐵鉞草堂贈馬孔目

謁孝陵側望 懿文墓次翰讀黃泰泉韻

夏至齋居次泰泉韻

陸御史宅見菊得邸報

雨花臺次龍石許公韻

徐氏園次龍石韻二首

訪徐少湖司成同登泖塔

朝見

出崇文門貽諸友

臨清贈別萬工部 渡口驛逢趙原實

南旺夜行因思養疴未獲

德慶菴中作二首 移居

送宗人吳經歷 勅封志感

得馬谿田書悵然有懷

募兵北上次王職方韻

寄唐荆川 同省中諸僚游鳳臺園

同省中諸僚游徐氏東園因索酒於王戶部

水南學士邀余同王相山駕部賞菊有作見

貽次韻奉答二首

水南以余獨居數邀賞菊短賦奉謝兼致慰

私

春雨寄唐荆川

清明日得北原太宰書適水南學士過訪

天界僧果斌往年曾訪余白鹿洞適游天界

相遇感贈

周子垂過訪鍾陵官舍將歸贈別

春深

幽居

送王相山督學湖南相山蜀人由南部往任
得邸報見在御史論劾

移寓天界寺

臺諫部寺諸公以余移寓天界分日載酒枉

過

許石城將赴武林枉過草堂

送桂洲閣老赴召北上

時適有建昌之謫

唐荆川携觴邀游天寧寺次韻四首

司封李羅村殷白野以舊俸見貽答謝

卷六十四

詩

七言律

離家

東封道中別陳生貞甫

西湖遇雪

嚴杭州玉山雪夜攜酒淨慈餞別適沈紹興

江村至

錢塘遇雪少嶠以新刊升菴集示覽上有孔
文谷序因憶往年任五嶽嘗以升菴丹鉛
錄見寄悵惘今昔感慨世途遂成短賦

宿浙江驛下

錢塘夜泊寄水南

登釣臺

懷養齋翁

楊止所職方出守衢州因余道經留飲郡齋
值書屋新成賦以贈別

書草草僧砌路勸緣卷

謁象山先生墓

送李節推

春日

建昌學宮春祭觀樂

送表感賦

病中作

撫州道中夜行

暮春自述

與諸生陶于立蕭季南鄭伯源許希程夏子

政鄭伯井午坐 感事

睡起

四月六日石門驛舟中飲酒

端午日諸生攜觴同集次伯源韻

宿天界寺作三首

贈章祠部時以御史謫官量移

靈谷寺作

贈唐生國華

水南以中秋月詩見寄次韻答之

宿翠薇寺僧定中兼通醫學

金山

渡淮

劉應谷戶部聯舟北上以詩見貽賦此答之

孟秋陪祀

太廟夜候左闕

送蘇舜澤總制宣大

夕月壇陪祀

送王韋菴司訓鄱陽奉乃翁就養

玄極殿陪祀

午門謝胙遇雪

送裘汝州同年

彭城道中

次濠梁驛陶克允侍御夜訪時陶領募軍之

命二首

雪中渡江寄別克允

華補菴過訪以見懷詩出示次韻贈答

天台道中

天台山中

天台憶近魯寓居學廨二首

衢州公館次寇惕齋韻

贈程習齋侍養家居

處州道中值誕辰寄近魯

石門洞觀瀑

青田道中

登鴈山

戴辰峰下獨酌

宿鴈山禪院

聞白雲雲外二僧在龍湫三十年矣陡絕不

能登訪

寄壽讓公

寇惕齋築蘭坡精舍養痾以詩索題爲次原韻

嘉興逢黃協恭將赴河南次呂巾石韻

送寇惕齋僉憲入賀

送曹自山叅政入賀

浙中諸生頻過草堂援筆書示

睡起自述

家居得嚴徐歐陽三學士書

感事

楓橋夜泊

夜夢白衣山人對余誦吊秋崖詩醒猶宛然
無一字遺失亦奇事也記之

十四夜月李懋卿攜酒勸駕因思去年此夜
亦與同飲 中秋夜見月華贈懋卿

十六夜月 維陽逢尹洞山祭酒

富莊驛書壁 渡滹沱河因憶浙中之

夢 涿鹿道中有感

徐李二相公在顧靈濟宮

靈濟宮夜坐有感 夜坐偶成

費少石招飲詹事省中同會二潭

贈朱醫士

洛陽道中懷王槐野

贈尉氏李令因柬余玉崖司徒

函谷關公館書壁 欽槐野書院留別

飲唐故宮觀紫牡丹

咸陽懷古 登說經臺

鄜延道中 度秦嶺自嘲

延州閱兵 楊太僕宅觀黃牡丹

夜過橋山謁軒轅陵因登會仙臺

謁孟姜女祠 清澗山中諸生迎候

榆林道中 宿榆林城

宿魚河堡

寄包蒙泉御史

書固原衛壁

留別趙浚谷

慶陽道中感懷

次韻答馬谿田

飲侯松泉副憲公署出示謝與槐詩次韻贈之

雪夜次寧州公館見壁刻馬端肅公巡撫時
誅竹詩有時來暫爾棲黃雀日後應須集
彩鸞之句重有感焉因爲次韻

榆林道中

呂玉牕大叅邀登回中

宿壽山寺

聞南中論䟽啓行

甄冠山副憲遣人護送漫書謝復

接罷官邸報見巡撫王孝泉公薦疏

鄭州公館見壁刻楊邃菴詩次韻

鄭州道中因諸生挽留感賦

周南驛中感懷
留別王懷雲僉憲

歸德道中遇毛葫蘆遁歸

宿梁驛書壁

卷六十五

詩

七言律

二月二十八日過東葛驛見壁間黃梁夢圖

聞是日禮闈揭曉

江浦謁莊定山先生祠

浦口公館偶書
渡江宿燕子磯

承恩寺有感

過金陵同年許石城示寫懷詩次韻答贈

天界寺作

初夏偶成

五月六日夏至金陵客邸

贈慈谿張山人 得家報五月三日被寇

餽居玄津

對雨獨酌東徐陽濱戶部

金陵逢魏豐村太學二首

次曾兵部仲野見贈韻二首

送袁近沙學諭 許石城宅觀牡丹

贈江山人 鄭伯原遠訪秦淮賦贈

送高水原赴天真 次韻題天台潘山人卷

送周迪齋守寧波 送潘徵君歸天台

贈田生

贈張生

陳玉泉僉憲將赴蜀次韻贈答

次韻答何柘湖二首

秦淮旅次與吳山人話舊次季泉宗伯韻

壽江九川侍御母太孺人

讀漢史有感

題朱泚桂侍御二親雙壽圖

休寧戴處士年七十矣乞詩以壽其親

久雨偶作

余歸故居吳磐石遠訪約游金陵予以事不

果作詩寄之

送太學包生還建昌

夢鍾季烈

送謝陽溪司訓嘉善次許石城韻

誕日偶作

殘冬有感

寄金元功春元

贈湯君陽學博

謝王仲山惠月林雙鶴圖

答范中方提學

贈蔡溟陽學博

送禮僧住華藏

附韓湘子降鸞贈詩

三月三日燕陳志槐園亭

秋日間居

與蔡溟陽登惠山贈別

題畫

東王秀才

中秋寓金陵感懷二首

胡梅林以雙鶴見惠附謝

送康子全考試山東因便道會試

閒居偶成

暮春偶成三首

許石城年兄以詩見示悵然有懷

石城對白髮有感以詩見寄次韻

秋日感懷

寄萬履菴

再疊年字韻答萬履菴二首

次韻答鄭石南兼柬王仲山

寄許石城

輓讓公

初夏同王仲山飲綠蘿菴中與楊三徑表丈

話舊

次韻答許石城四首

立秋日作

夜坐

贈王龍池兵憲

脩宋鑑龍池遣人侍書奉謝

病起望川兄携酒敘飲

病起有感三首

寄袁定山

舟通府歸蜀過訪山中因贈二律

壽許石城六十

秦明石以近作見示奉

謝

送徐士彰會試

贈祝奕士

贈方清泉

秋日感事

壽華晉齋

除夜感懷

壽鄒聽天室人八十

壽醫士呂春林八十

壽秦次山六十

贈劉心垣

贈梧室老僧

卷六十六

詩

七言律

送許吏部擢廣東僉憲備兵欽廉

鄭伯原北還

人日萬履菴枉過敘論

三月八日胡郡推招飲

舟中偶成

鄭石南六十自詠二首次韻壽之

賦得蟠桃詩一首壽錢母

得邸報見邊臣上俺答求貢請封疏

賀馮五溪六十

次韻答鄭石南

贈湯少泉醫士

丙寅元旦有感

病中三首

贈方清泉地里

獨坐偶成

丁卯八月十四夜有感

偶述

經二泉先生故宅

壽高筠莊長史

壽馮處士

寄包同州

得顏冲宇書

贈菴僧

夜過無錫

送萬履菴復出

龍岡郡公顧太虛草堂

郡中分遺春酒附謝

壽許石城七十

送劉子延太學秋試

秋夜感懷

園中偶成

卷六十七

詩

五言絕句

對雨

夜坐

懷歸

東縣尹陳禹成差人除草

宿省中同廖東溪觀芍藥二首

謁岳墓二首
園居雜詠十二首

夜坐二首
懷舊十首

夜過橫林
登惠山

暮春偶題

即事

聽鳥

養魚

卷六十八

詩

七言絕句

逢女子走馬二首 寄來子禹

德慶山房看花二首

訪曹戶部四首 送陸道士南歸二首

放鶴亭二首 西湖四首

夜渡錢塘蕭蕭山遣人候于江上因邀至僧

舍叙飲留別二首

寄答張秀才二首 贈吳峻伯二首

同陳時偕登匡廬二首

道山亭

鄰霄臺

蟠桃塢

宿猿洞

粵王山

過劔浦驛問龜山書院輿人謂在將樂縣封

山下相去二百餘里

同項生游武夷二首 聞鴈

九日汪經歷招飲海天寺次韻二首

元夕次道思見寄韻

德安道中避雨民家

送內東歸

送邵山人歸越山人善卜筮館于王職方職

方言其有邵金之操作二詩貽之

舟泊胥門玉峯翁在顧感賦二絕句

姑蘇驛前別李生懋卿二絕句

桐溪夜泊

宿圓通寺

華師魯以詩見贈次韻答之

水南邀登君山二首

君山贈水村蒲澗右江三道士三首

瑪瑙寺四絕句

鎮原公館次壁間韻

無題四絕句

題石城種松圖次陳鳴野韻

題黃省菴畫景五絕句

綠蘿菴十二首次王仲山韻

次韻答僧果斌二絕句

贈錢居士

興平道中二絕句

次華師魯韻二絕句

登朔方臺

九日與晉齋論學

次韻謝晉齋送新米

壬子年過車廐驛二絕句

采菱舟中

再至澄江有感

題顧華西玄玉齋卷二絕句

壬申三月二日即事

贈無瑕禪僧

贈承菴僧六十二絕句

方山薛先生全集卷二

策

廷試

皇帝制曰朕思首自三代以來迄於宋終中間雖歷世有久近而其君之歷年亦有長短要之皆自其爲君者何如耳但傳云惟周之歷世最多國祚恒久然周之所以享祚久本於文武之所積累亦後之繼承者能保持之耳上至夏商垂及唐宋亦若是焉皆基之於先王德澤洽於民心亦繼之以嗣王能盡持盈慎滿之道者也洪惟朕皇祖高皇帝代天復世

重肇中華建振古無比之功德朕太宗繼述于草
創之初列聖遵承于大定之後百有六十餘載傳
之于今朕以宗支方在冲昧之年入承祖位幼弱
不才多招災害于民茲來思祖宗創造萬艱惕然
悚懼朕欲長保洪業于無窮有隆弗替永宗社萬
禩之固保家國千世之傳民得以遂生物得以適所
如上之良法要道朕心慕之思之不知何以得此故
進爾多士于堂爾等蘊持既久王政素閑于懷可罄
所知以告朕將親擇而勉之欽哉臣對臣嘗讀書至
說命有曰朝夕納誨以輔台德是君以保治之道望

其臣也讀詩至蒸民有曰袞職有闕維仲山甫補之
是臣以保治之道輔其君也君不以治道望其臣是
爲自聖自聖者謂人莫已若雖有善言無從入矣臣
不以治道輔其君是爲自欺自欺者謂吾君不能雖
有善道莫之告矣此上下交所以爲泰而上下不交
所以爲否也否泰之間寔吉凶消長之機治亂安危
之會也可不慎哉不然則恭默思道如高宗內修外
攘如宣王皆中興之令主也傳說雖帝賚之良弼山
甫雖天生之賢佐其賢與智要非有過於高宗宣王
也而德命之輔闕須之補者蓋真不自滿假而聖不

自聖之心也蓋真知王業之不易保而欲建久安長治之策也欽惟陛下具聰明睿智之德稟剛健中正之資將以啓中興之令圖建無前之偉績而隆億萬載無疆之休于以遠邁乎高宗宣王以上追三代之隆而陋漢唐宋於不足爲者也微臣何人而足以贊廟謨裨國論於萬分之一耶竊觀陛下臨御以來凡五策士矣始之以慎初之道蓋欲體元居正而更化以善治也繼之以綱紀風俗蓋欲通變宜民而紹復乎先王也繼之以王伯之辨蓋欲極深研幾而純心於王道也繼之以知人安民蓋欲養賢及民而

綏靖乎中邦也繼之以耕桑蠶織蓋欲利用厚生而
父母乎天下也合而觀之無非所以爲持盈慎滿之
道也然當時策士之言陛下亦旣梓之爲錄布之
庶府傳之天下矣顧皆視爲虛文而未聞採爲實用
豈以陛下親策賢良之士爲應故事而已耶抑其
言皆將順遜志祇以鋪張洪業揚厲盛德而爲陛下
下之所已行者耶臣時竊伏草野每恨芹曝之誠無
路上獻乃今舉於有司進於大廷以奉清問甚
大幸也使臣復有所回護隱伏而不言言而徒摭拾
三代之遺文補緝漢唐宋之故事聊以塞責而無適

於用則是臣當可言之會而以空言罔陛下也上

負吾君下負吾心縱天寬地容不加罪譴而天下後

世其謂臣何臣伏讀聖策見陛下上嘉三代下

及唐宋惓惓於祖宗創業之艱難列聖守成之

不易而深憂至計惟欲民之遂生物之得所以盡持

盈慎滿之道蓋兼前是五者之問欲會而通之以觀

厥成也此實所以造萬世之福也豈惟一代之民物

受其賜而已哉然臣竊慮陛下有是念也而不能

底是績也爲是言也而不能勵是行也茲欲勵行以

底績豈有他哉亦唯陛下推是心與是言以達之

政焉耳臣愚反覆 聖制曰朕思首自三代以來迄
於宋終中間雖歷世有久近而其君之歷年亦有長
短要之皆自其爲君者何如耳是 陛下之所以鑒
於古昔者固自探其本矣旣而曰洪惟朕 皇祖高
皇帝代天復世重肇中華建振古無比之功德朕
太宗繼述於草創之初 列聖遵承於太定之後是
陛下之所以法乎 祖宗者又自得其要矣乃復
詔臣等罄所知以告是誠大舜好察邇言之心先王
詢於芻蕘之意也臣敢不稽經援史而爲明切特務
之論以復 明詔乎臣聞之書曰德惟善政政在養

民是先王之政惟在于民也又曰惟王子子孫孫永保民是 祖宗之意亦惟在於民也然保民之道安在哉亦曰盡教養之道焉耳矣但教養之文具易設而教養之要道實有未易盡者臣請得爲 陛下言之夫古今之言養與教者夫孰不曰制田里而樹畜也設學校而明禮義也然田里何以制樹畜何以教學校何以設禮義何以明則非夫人之所能知也况乎與世劑量之道隨時變通之宜又有不可以執一論者蓋享國長久莫如三代而三代之時量地以制邑度地以居民因民以授田井十則爲通通則十

爲成無曠土無游民食節事時民咸安其居樂事勸
工尊君親上然後興學而王宮國都以及閭巷莫不
服詩書禮樂之教遵命鄉論秀之規而其所以教養
乎斯民者固至詳至備而盡善盡美矣此其所以德
洽化流治隆俗美而非後世之所能及也迨夫井田
旣廢之後田不在官而在民是以貧富不均風俗薄
惡漢唐以降識治體者咸慨古法之善而時異勢殊
卒無可復之理於是有限田之議有均田之制有口
分世業之法然皆議之而不果行行之而不能久何
也其爲法雖各有可取然不免拂人情而不宜於土

俗可以暫而不可以常也民不遂生物不得所而先王之治所以卒不可復者皆職此之故也臣惟陛下下以天縱之聖應中興之運丕闡化猷增飭儀矩制禮作樂崇道右文籍田蠶室之禮咸事舉行郊廟神祇之祀無不稽訂邇復議定廟制命所司擇日興工其諸因仍苟且之制皆禮不經之訓一洗其陋而千百年之曠典至是復覩其盛矣凡我臣民莫不仰大聖人之作爲出於尋常萬萬也但義章雖備具治道雖黼黻而畿甸要荒之間窮簷部屋之下民之不聊生也亦甚矣蒙袂輯屨之狀瑣尾流離之形

使有能爲鄭俠者圖以上獻則 陛下不忍入之心

亦豈得晏然而已乎昔人論享國長久而本之於仁禮謂後有攜貳者思先王之仁而不忍畏先王之禮而不敢其言誠是也自今日之時與勢言之則仁民之政殆尤急於禮焉蓋君之於民也猶父之於子也慈父之教其子必示之以家禮而欲其周旋觀法習熟儀節以世其家斯固詒燕之道也然生業不周而不能衣食其子饑寒切身廉耻將喪則亦將視父之所示者爲虛文矣安望其能從父之教乎今之民皆饑寒之民而禮義無可修之暇者也臣恐其於 陛

下之禮文未必其能釋然於心也昔漢文帝之時賈誼請改正朔易服色定官名興禮樂而帝則謙讓未遑臣始讀漢史至此未嘗不謂文帝之因陋就簡而惜賈誼之說之不售也及反覆思之乃知文帝當高帝戰爭之後惠帝昏弱之餘天下嗷嗷新出湯火若遽事禮文則生息休養之意或未能專而民農爲之重因此其意蓋有在也卒至蓄積歲增戶口蕃息天下殷富粟陳貫朽雞鳴犬吠煙火萬里斷獄數百幾致刑措而致治之美庶幾成康矣不然則誼因英傑之才所言皆卓越之見而文帝豈棄才之主周勃陳

平又豈蔽賢之相耶使詎嘗歷試艱難亦必自悔其
說之早而用之晚歲其見必周不意遽亡弗復登用
而漢之禮樂終襲秦陋是則爲可惜也今陛下憂
民之心不爲不切養民之政不爲不行而持盈慎滿
之念不爲不至而臣敢復有辭者願陛下於本末
先後之間加之意而已文帝後世之君而所行亦非
純王之道固不足法但其一時之見亦有合於聖賢
之旨孔子見衛民之庶必曰富而後教孟軻陳王道
於齊梁欲其謹庠序之教而必以制民之產先之是
皆以仁民爲先而植夫禮讓之本也臣願陛下於

退朝獨處之際深宮靜一之中試思今日之天下爲
富足耶爲困窮耶若以爲富足也則飽暖者不一二
而饑寒者常千百杼柚其空室如懸磬而凍餒流離
之慘 陛下曩時亦自形之制策矣若以爲困窮也
陛下何忍赤子之至於斯而不一爲之所耶然臣所
望於 陛下者非欲家賜穀粟以食之而人給布帛
以衣之也非欲生今而反古之道也非敢爲迂濶難
行之說而擾天下也亦曰因民之所利而利之而得
夫與世劑量之道因時通變之宜不拘拘於陳迹而
不失先王之意使天下帖然於相生相養之域耳蓋

民之所以不聊生者皆起於不均之橫征豪右之兼
并而無常生之業也先是奉對之臣亦嘗有以是策
獻者矣但其說條貫靡竟統紀未終無以感悟 陛
下之聽焉臣請得而續陳之夫民常生之業在田而
田無限制則兼併之患不息茲欲限之則亦未免亟
奪富人之田若之何而後可哉必也因其已然之俗
而立爲未然之限不追咎其既往而惟限制其將來
庶幾可乎請斷以一年爲限如自今年四月以前其
民家所有之田雖多至百頃官府亦不之問唯自今
年四月以後一丁惟許佔田一頃餘數不過五十畝

於是以丁配田因而定爲差役之法丁多田少聽許
買足其數丁田相當則不許再買買者没入之其丁
少田多者在未立限之前不復追咎自立限以後惟
許其鬻賣有增置者併削其所有立爲一定之限以
爲一代之制行之數十年富者限於制而不復買田
與廢無常未免鬻產則田直日賤而民產自均雖井
田之制不可復而兼併之患日以消矣成化中大學
士丘濬嘗有此議而田宅踰制亦 祖宗朝之所禁
者正 陛下今日所當加意而著之令者也且不刑
一人不擾一民下方尺之紙而天下晏然自服 陛

下何靳而不爲此耶若乃奢侈成風靡麗成俗則又不可不嚴爲禁革王制作淫聲異服奇技奇器以疑衆殺而圭璧金章錦文珠玉成器不鬻于市此不惟可以見先王之世上下有章而且以節民之財也今天下則庶人得爲帝服倡優得爲后飾富民墻屋被文繡庶人孽妾緣其屨百人作之不能衣一人一人耕之十人聚而食之甚至家無擔石而所食者常珍囊無餘貲而所衣者執統風俗至此蓋有不啻如賈誼之所謂長太息者矣及夫冗員也冗兵也冗費也三者日積而月甚升斗之給盡出民力尺寸以上悉

仰縣官所謂無益之費名重而實輕者蓋有不啻如
蘇軾之所憂者矣乃若貪賄之徒求進之輩其在京
師而近於 陛下之耳目者固已洞察臣不得而深
言之矣乃若守令最爲親民而民之休戚所係尤重
其間賢者不一二而不賢者常什伯或計取以肥家
或賄權以要寵莫非浚民之膏血以自潤也天地所
生財貨止有此數而耗蠹若此則民之伐桑棗鬻雞
豚捐子女以應上官之求亦勢之所必至耳夫民生
有欲不能自遂則以其愁苦之氣薄陰陽之和汨天
地之精鬱而爲沴厲蕩而爲氛祲此其感召之機有

必然者民何以遂生而物何以適所也 陛下策臣
曰朕以宗支方在冲昧之年入承 祖位幼弱不才
多招災害於民夫 陛下之言及此禹湯罪已之言
也天下民物之福也 陛下果能以此憂勤之心而
布爲憂勤之政阜民之財節財之費旣如臣前所陳
矣而又於九廟落成之日 祖宗妥靈之餘一意休
養弗事土木省刑罰薄稅歛恤糶獨雪冤抑戮貪酷
進忠良釋逋負綏撫貳問民疾苦布德行惠使夫困
者蘇踣者起蒙袂輯屨者完好而充悅流離瓊尾者
還定而安集則天心克享協氣自應庶靈畢至百嘉

鬯遂 天地清寧郊廟歆享華渚流虹前星耀彩九

河順適三垂晏然不惟禮文具備將見中聲可復而
大雅之久沉者亦可作矣由是大禮與天地同節大
樂與天地同和而唐虞三代之後再見我 明天子
也宗社萬禩之固家國千世之傳將自與天無極矣
其所以致之之由 陛下固自得之而臣旣已畧述
之矣 陛下能不重念之哉昔漢匡衡當元帝之時
有言曰聰明果斷者戒於太察溫良慈厚者戒於無
斷宋司馬光當神宗時有言曰仁明武君人之三德
而仁爲最要二臣雖槩舉之實各諷其君之所不足

也臣至愚極陋固非二臣之比而區區芹曝之誠則寔願 陛下有以垂鑒之也雖然臣之所言皆涉於事者也而其原則在 陛下之一心而已昔舜授禹曰人心惟危道心惟微惟精惟一允執厥中仲虺之告成湯曰以義制事以禮制心呂望之陳於武王曰敬勝怠者吉怠勝敬者滅義勝欲者從欲勝義者凶成王則曰單厥心康王則曰循大卞高宗則曰咸有一德宣王則曰兢兢業業其所以正此心而清出治之原者皆在 陛下之能自得師也若夫漢唐宋之君其間雖不無可稱者然皆不免於雜伯雜夷非臣

之所以望於 陛下者也倘 陛下不以臣言爲迂
留神省覽俯賜採納則天下幸甚臣草莽之人不識
忌諱干冒 宸嚴無任隕越之至臣謹對